

CONCILII CONSTANTIENSIS
SESSIO VIGESIMOCTAVA IN CAU
SA TRIDENTINENSI.

D

Sec. 19. g

DIE mercurij tertia mensis Martij, fuit sessio generalis in maiori ecclesia Constantiensi solenniter celebrata, prædictæ in eadem domino Ioanne episcopo Ostiensi. Fuitq; celebratum in ea officium missæ cum introitu. Cum sanctificatus fuero &c. per reuerendissimum patrem dominum Ioannem patriarcham Antiocheum. Et prædicto officio completo, superuenit ibidem serenissimus princeps dominus Sigismundus Romanorum & Hungariæ &c. rex, cum suis nobilibus. Deinde uero legebantur letaniæ & aliæ orationes, quæ in sessionibus legi solent. Prædictis uero peractis, accusata prius contumacia domini Frederici ducis Austriæ & aliorum non audientium se declarari incidisse pœnas contentas in monitorio, reuerendus pater dominus Nicolaus episcopus Metseburgensis in contumaciam dictorum ducis Austriæ & aliorum, pronunciauit eosdem incidisse in pœnas contentas in monitorio, prout in scheda quam manibus tenebat, & legebat de uerbo ad uerbum, cuius tenor est inferius insertus, continetur. Et ueniendo in eadem scheda ad insertiõem monitorij, propter prolixitatem & laborem dominus Petrus de Lomburgha, aliàs de Polonia, legebat monitorium, aliàs decretum: quæ fit **E**nto, dominus Nicolaus episcopus præfatus continuauit sententiam declarationis usque ad finem.

al. le&uram

DECLARATIO IN CAUSA
TRIDENTINENSI.

Sacro sancta generalis Constantiensis synodus ecclesiam catholicam representans, in spiritu sancto legitime congregata, ad futuram rei memoriam. Decet sanctam matrem ecclesiam, eos qui salutis monita obstinata elatione contemnunt, non dimittere incorrectos, neque impiorum proter uiam sine digna castigatione præterire. Sane cum dudum de anno domini millesimo quadringentesimo decimo quinto & mense Augusti, grauis querela uenerabilis fratris Georgij episcopi Tridentinensis ad nos peruenisset, quod nobilis Fredericus dux Austriæ ipsum in canonica possessione ecclesie ciuitatis Tridentinensis ac oppidorum, castrorum, terrarum, uillarum, locorum, iurium & aliorum bonorum ad eandem ecclesiam pertinentium, aliàs sexdecim annis pacifice existentem, temere & de facto spoliasset, ac eandem per nouem annos detinisset, ac detineret indebite occupatam, ac ipsum cepisset & in carceribus manciparum, pluribus grauibus uiolentijs affecisset, literasq; quasdam promissionis & iuramentorum metu & impressionibus extorsisset contra suam & ecclesiasticam libertatem ab eodem, quodq; idem Fredericus charissimo ecclesie filio Sigismundo Romano regi semper Augusto, cui super hoc per ipsum Georgium episcopum fuerat delata querela, uinculo iuramenti se astrinxisset, eiusdem serenissimi regis super his stare præceptis, dictoq; rege per sententiam declarante & præcipiente ecclesiam & bona spoliata ac præfata occupata eidem Georgio per ipsum ducem restituenda fore, facte prætermisit, notam periurij manifeste incurrens. Quapropter hæc sancta synodus, uocato dicto duce, qui tunc in dicta ciuitate Constantiensi aderat, auditisq; suis defensionibus per suos aduocatos & procuratores tam in sessionibus publicis, quam alijs congregationibus statutis & deputatis ad eandem causam, quæ iura & munimenta partium receperunt hinc inde producta, cum instaret dictus Georgius episcopus per literas monitorias præfatum Fredericum ducem, & alios occupatores & detentores, necnon uassallos, nobiles, capitaneos, officiales et subditos ecclesie Tridentinensis, & ciuitatis & aliorum bonorum prædictorum, sub pœnis, sententijs & constitutionibus diuæ

memo